



## **TOSHKENT DAVLAT YURIDIK UNIVERSITETI REKTORINING B U Y R U G ' I**

24.08.2023

141-um-son

### **Universitet rektorining 2023-yil 19-apreldagi 60 um-son buyrug'iga o'zgartirish va qo'shimchalar kiritish to'g'risida**

O'zbekiston Respublikasi Prezidentining 2021-yil 24-dekabrda "Davlat oliy ta'lim muassasalarining akademik va tashkiliy-boshqaruv mustaqilligini ta'minlash bo'yicha qo'shimcha chora-tadbirlar to'g'risida"gi PQ-60-son, "Davlat oliy ta'lim muassasalariga moliyaviy mustaqillik berish chora-tadbirlari to'g'risida"gi PQ-61-son qarorlariga muvofiq hamda O'zbekiston Respublikasi Prezidentining 2023-yil 3-iyuldagi "Ma'muriy islohotlar doirasida oliy ta'lim, fan va innovatsiyalar sohasida davlat boshqaruvini samarali tashkil qilish chora-tadbirlari to'g'risida"gi PQ-200-son qarori 6-ilovasi bilan tasdiqlangan "yo'l xarita"ning 10-bandi ijrosini ta'minlash maqsadida

### **BUYURAMAN:**

Universitet rektorining 2023-yil 19-apreldagi 60 um-son buyrug'i bilan tasdiqlangan Toshkent davlat yuridik universitetiga pedagog va boshqa xodimlarni ishga qabul qilish, ishdan ozod etish va ichki rotatsiyani amalga oshirish tartibi to'g'risidagi nizomga quyidagi o'zgartirish va qo'shimchalar kiritilsin:

1. 3-band o'n uchinchi xatboshidagi "o'qituvchi-yordamchi" degan so'zlar "o'qituvchi-yordamchi (o'quv ishlari bo'yicha assistent, tadqiqot ishlari bo'yicha assistent)" degan so'zlar bilan almashtirilsin;

2. 6-band quyidagi mazmundagi oltinchi xatboshi bilan to'ldirilsin:

"Odob-axloq kodeksini buzgan va shu sababli universitet Odob-axloq komissiyasi tomonidan mehnat shartnomasini bekor qilish taklif etilgan shaxslar";

3. 6-band oltinchi xatboshisi yettinchi xatboshi deb hisoblansin;

4. 7-band birinchi xatboshidagi "Universitetga ishga kirish uchun hujjat topshirgan quyidagi nomzodlar" degan so'zlar "Universitetga ishga kirish istagi bo'lgan va rektor tomonidan tavsiya etilgan quyidagi nomzodlar" degan so'zlar bilan almashtirilsin;

5. 36-band quyidagi mazmundagi to'rtinchi xatboshi bilan to'ldirilsin:

"Komissiya raisi suhbat natijasida yetarli ball to'plagan, biroq ayni lavozim uchun talab etiladigan kasbiy tayyorgarligi yetarlicha bo'lmagan nomzodni universitetdagi mavjud boshqa bo'sh lavozimlardan biriga tavsiya etishi mumkin";

6. 36-band to'rtinchi xatboshisi beshinchi xatboshi deb hisoblansin;

7. 36-band quyidagi mazmundagi oltinchi xatboshi bilan to'ldirilsin:

“Nomzodning murojaatiga ko‘ra ishchi organ tomonidan tanlovning suhbat bosqichida nomzod o‘zi tomonidan to‘plangan ball bo‘yicha komissiya xulosasidan ko‘chirma berilishi mumkin”;

8. 49-band ikkinchi xatboshidagi “uch yil muddatga” degan so‘zlar “ikki yil muddatga” degan so‘zlar bilan, uchinchi xatboshidagi “besh yil muddatga” degan so‘zlar “uch yil muddatga” degan so‘zlar bilan almashtirilsin;

9. 57-band quyidagi mazmundagi yettinchi xatboshi bilan to‘ldirilsin:

“Nomzod xodim o‘qituvchi lavozimiga o‘tkazish uchun o‘tkazilgan ko‘rgazmali (ochiq) darsdan yetarli ball to‘plamagan taqdirda, tavsiya etilmagan hisoblanib, kamida 6 oy o‘tganidan keyin ushbu nomzodni o‘qituvchi lavozimiga o‘tkazish uchun qayta ko‘rgazmali (ochiq) dars o‘tkazilishi masalasi rektor tomonidan ko‘rib chiqilishi mumkin”.

**Yoshlar masalalari va  
ma‘naviy-ma‘rifiy ishlar  
bo‘yicha birinchi prorektor**



**A.XASHIMHONOV**

Toshkent shahar

**Kiritildi:**

Bo‘lim boshlig‘i

S.MAMANAZAROV



**Kelishildi:**

Bo‘lim boshlig‘i

A.RAXIMOV



yuriskonsult

D.ALIBOYEV

